

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVI No. 12
Hunyo 21, 2005
www.philippinerevolution.org


Editoryal

Hingalitan ang pangpulitikang krisis sang rehimeng US-Arroyo

Ang pagkabuyagyag sang mga *audio tape* nga nagatumod sa direktang pagka-imbolbar ni Gloria Arroyo kag pagkumplot niya sa mga upisyal sang COMELEC sa pagdaya sa eleksyon 2004 labi nga nagpasingki sa krisis pangpulitika sang rehimeng US-Arroyo. Ini na ang pinakadaku sa sunod-sunod nga mga iskandalo nga kahimuan sang rehimen. Labaw ini nga nakapa-akig sa pumuluyo kag nagatay-og sang rehimen. Naglupok ini halos kadungan sang pagkabuyagyag sang pamilyang Arroyo sa jueteng.

Yara sa bibi sang pagkapukan ang rehimeng Arroyo. Labi na nga nahamulag ini sa pumuluyo kag labi pa ini nga nahamulag sa mga tuyo sini nga likawan ang mga iskandalo. Nagalapad nga nagalapad ang kubay sang pumuluyo nga nagapanindugan, determinado kag nagahulag agud ipamilit ang pagpahalin sa garuk, papet kag pasistang rehimeng Arroyo.

Ang pagkabuyagyag sang pagdinaya ni Arroyo sa eleksyon kag pagka-imbolbar sang iya pamilya sa jueteng amo ang nagagatang sa kaakig sang pumuluyo.



**Mga tampok
sa isyu nga ini...**

Iskandalo sa jueteng
kag ang 'Gloria-gate'
PAHINA 4


Protestang anti-Arroyo,
nagalapad
PAHINA 5

Palparan, masupog
nga pasista
PAHINA 8

Ang maathag nga pagkahayag sang mga kagarukan sa gubyrno kag pagdinayaay sa eleksyon nagaserbi nga malahalon nga kongkretong leksyon sa pumuluyo bahin sa wala paltik sang mga eleksyon sa idalum sang reaksyunaryong estado kag sistemang pangpulitika.

Antes pa man ini nagabalinga-so na ang kaakig sang pumuluyo sa rehimeng Arroyo bangud sa pagpatuman sini sang mga maki-dumuluong kag mapiguson nga polisiya sa ekonomya nga nagapalala sa kabudlayan kag pag-antos sang banwa, sa bulag nga pag-ikog-ikog sa US kag sa mga pasistang atake kag pagtapna sa mga demokratikong pwersa kag pumuluyo nga nagabatu.

Agud ilihis ang kaakig sang pumuluyo kag pungan sila nga mag-entra sa mga demonstrasyon, ginapagguwa ni Arroyo nga anuman nga pagpamatuk sa iya rehimen padihot sang pila ka grupo nga may daluk nga interes, gusto mag-agaw sang gahum kag idiskaril kuno ang nagahana nga pagsulong sang ekonomya. Nagasinggit si Arroyo sang "destabilisasyon" agud pagguwaon nga simple nga pag-agaway lang sa pangpulitkang trono ang yara sa li-



Agud ilihis ang kaakig sang pumuluyo kag pungan sila nga mag-entra sa mga demonstrasyon, ginapagguwa ni Arroyo nga anuman nga pagpamatuk sa iya rehimen padihot sang pila ka grupo nga may daluk nga interes, gusto mag-agaw sang gahum kag idiskaril kuno ang nagahana nga pagsulong sang ekonomya.

kod sang mga ini, ipiton ag mga karibal sa pulitika kag hatagan-rason ang paggamit sa armadong pwersa sang estado kag pagtapna sa mga demontasyon.

Ugaling indi mapungan sang mga maniobra nga ini ang pumuluyo nga mag-isa kag maghulag agud ipamilit ang pagpahalina kay Arroyo sa Malakanyang. Kada adlaw nagaathag nga ang ila mga ginareklamo nga problema sa pangabuhian kag pulitika kag mga ginapamilit nga gilayon nga remedyo sa mga ini indi maangkon tubtub indi mapahalina si Arroyo sa poder. Ang pagkapyot ni Arroyo sa poder ang pinakadaku nga sablag sa ila demanda para sa matarung nga dugang nga suhol kag sweldo; pagbatura sa *oil deregulation law* kag pagrolbak sa presyo sang mga pro-

duktong petrolyo; pagpanubo sa sukot sa kuryente kag tubig, matrikula kag presyo sang iban pa nga basehang kinahanglanon; pagatras sa mga dugang nga buhis; paguntat sa pagbayad sa mga dumuluong nga utang; pagdugang sang badyet sa edukasyon, ikaayong lawas kag iban pa nga serbisyo sosyal; pagtapna sa pagpamiagos sa mga demokratikong organisasyon kag partido; paguntat sa mga pagpatay kag militarisasyon sa madamu nga bahin sang pungsod; pagtadlong sa mga dinayaay kag anomalya sa eleksyon; kag iban pa nga mga reklamo kag ginahandum sang pumuluyo.

Ginasalaming sang subong nga krisis pangpulitika ang kasingkion sang krisis sang bilog nga nagaharing sistema. Nagahalin ini sa nagapadayon nga pagkahamulag sa pumuluyo sang nagaharing guban nga wala sang ginahimo kundi labing ilumoy ang pumuluyo sa kumunoy sang malala nga kaimulon sa idalum sang malakolonyal kag malapyudal nga sistema. Naghalin man ini sa nagasingki nga bangianay sa kubay sang mga reaksyunaryong pulitiko dala sang pagkupos sang benepisyo halin sa mga burukratikong korapsyon kag pagkadaluk sa gahum kag pagpamuyong sang guban Arroyo.

Ang masingki nga krisis pangpulitika nga subong nagatay-og sa rehimeng Arroyo kabahin sang nagapadayon nga krisis sang nagaharing sistema nga nagresulta sa pagpukan sang rehimeng Estrada sang



Tuig XXXVI No. 12 Hunyo 21, 2005

Ang *Ang Bayan* ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa Philippine Revolution Web Central nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editorial

Hingalitan ang pampulitikang krisis sang rehimeng Arroyo	1
Ang pinakamabaskog nga bunal sa rehimeng Arroyo	4
Mga protestang anti-Arroyo, nagalapad	5
"Padihot nga destabilisasyon"	6
Palparan, masupog nga pasista	8
Pati pa mga bata?	9
Napaslawan ang berdugo	9
Pagpang-agaw sang duta sa Cagayan Valley	10
Sa luwas sg pungsod	
Terorismo sg US	11
Mga sekreto nanday Bush kag Blair, nabuyagyag	12
Balita	13

Ang *Ang Bayan* ginabantala duha ka beses kada bulan sang Komite Sentral ng Partido Komunista ng Pilipinas

2001 kag, antes sini, sang diktaduryang Marcos sadtong 1986. Mada-li nga nagaluto liwat ang krisis nga ini. Nagatuhaw ang mga sangkap kag pwersa nga nagtipun-tipon sa isa ka mabaskog nga sulog sang protestang anti-Arroyo. Matingkad nga posibilidad ang pagpukan sang rehimen paagi sang malaparan nga demonstrasyon sang pumuluyo sa karsada kag mga prosesong ligal kaangot sa nagasanto nga paggamit sang mga armadong pwersa.

Labi pa nga nagapalapit ang katapusan sang rehimen US-Arroyo. Mahimo ini matabo sa mga masunod nga bahin sang nagapadayon nga mga away pangpulitika. Sa atubang sang mga iskandalo kag mga protesta, samtang nagadugay sa poder, labi nga nangin inutil ang rehimen Arroyo.

Kinahanglan hingalitan sang rebolusyonaryong kahublagan ang subong nga pangpulitikang krisis paagi sa pagpalapnag sang programa sang demokratikong rebolusyon sang banwa kag sang pagtinguha nga maagum na ang mga kadalagan sa gilayon nga masunod nga tinuig. Tuman kapaborable sang kundisyon agud labi mabutang sa isip sang minilyun-milyong Pilipino nga solo sa pagpasulong sang demokratikong rebolusyon sang banwa sila mahimo mahilway halin sa balinggag kag garuk nga gubyerno kag ginalumuyan nila nga malakolonyal kag malapyudal nga sistema.

Antes pa man maglupok ang krisis nga nagatay-og sa rehimen Arroyo, ginmanduan sang pamunuan sang Partido Komunista sang Pilipinas (PKP) ang mga rebolusyonaryong pwersa nga isulong ang demokratikong rebolusyon sang banwa sa masunod nga andana sang subong nga halintang sang inaway banwa kag padasigon ang pagpukan sa nagaharing rehimen. Sa atubang sang dalagku nga kinagamu pangpulitika nga nagatay-

og sa nagaharing sistema, labi nga dapat pursigido nga hingalitan sang mga rebolusyonaryong pwersa ang tuman kapaborableng sitwasyon kag kahigayunan para sa tanan-nga-bahin kag labing pagsulong sang rebolusyonaryong hublag.

Kinahanglan ubos-kusog nga pukawon, organisahon kag pahulagon sang mga rebolusyonaryong pwersa ang masa batuk sa subong nga rehimen. Kinahanglan nila nga hingalitan ang paborable nga kahigayunan para sa pagpalapad sang nagahiliugyong prente, labing pagpadalum sa banggianay sa kubay sang kaaway kag pagpukan sa nagahari kag pinakamasupog subong nga kaaway. Ang pagkatukod sang malapad nga kahublagang masa kag nagahiliugyong prente anti-Arroyo kag pagtib-ong sini sang adyenda nga nagaunod sang pinakahugot nga demanda sang pumuluyo ang yabi sa pagpahulag sa ila para tabugon si Arroyo.

Ang subong nga sitwasyon nagabukas sang kahigayunan para sa labing madasig nga pagpadaku sang mga rebolusyonaryong pwersa kag pila ka pilo nga pagpalapad sa kubay sang mga malapad nga ligal kag hayagan nga paghulag, samtang pursigido nga ginasi-guro ang mga plano sa konsolidasyon. Malapad nga kubay sang nagkalain-lain nga pwersa ang nagatipon sa isa ka nagahiliugyong prente anti-Arroyo. Lakip diri ang demokratiko kag maki-masang mga organisasyon, mga grupong relihiyoso, mga yara sa oposisyon pulitikal,

mga disgustadong pwersa militar, mga nagahangad sang mga reporta kag pagbag-o kag iban pa.

Ginapalapad sang Bag-ong Hangaway sang Banwa (BHB) ang sakup sang paghulag sini kag ginapabaskog ang mga rebolusyonaryong organisasyong masa. Kinahananglan maglunsar ang BHB sang mada-mu pa nga madinalag-on nga taktikal nga opensiba

batuk sa Armed Forces of the Philippines (AFP) kag iban pa nga armadong pwersa sang estado.

Sa pagpasingkang rebolusyonaryong armadong paghimakas, makamot sang daku ang BHB sa pagpaluya kag pag-sipa sa poder sang rehimen

Arroyo. Mahingalitan sini ang nagalala nga kinagamu kag banggianay sa sulod sang AFP. Mapahitad kag mapalayo sang BHB ang mga reaksyunaryong armadong pwersa halin sa mga sentro sang mga paghulag sang masa. Ang mga kadalagan sa armadong paghimakas labi nga magahatag sang inspirasyon sa pumuluyo nga isulong ang paghimakas batuk sa garuk, papet kag pasistang rehimen.

Para sa pumuluyong Pilipino, isa ka maayo nga bagay ang subong nga krisis nga labing nagatay-og sa rehimen Arroyo. Nagahatag ini sang kahigayunan para sa pagpasulong sang ila pinakagilayon nga mga demanda. Nagabukas ini sang kahigayunan para magagum sang inaway banwa ang mga panibag-ong halintang sang kongkretong kadalagan kag labi nga pagpalapit sa lubos nga kadalagan.



Ang pinakamabaskog nga bunal sa rehimen ni Gloria Arroyo

Matapos ang halos duha ka simana nga pangpubliko nga pag-usi sa sa senado, nag-atubang sining Hunyo 8 ang isa ka testigo nga may direktang pagkahibalo nanday Rep. Miguel "Mikey" Arroyo, anak ni Gloria Arroyo, kag Rep. Ignacio "Iggy" Arroyo, bayaw sang presidente, sa suhulan sa jueteng.

Ginbuyagyag ni Sandra Cam, nga nag-ako imbolbado sa operasyon sang jueteng, nga tigtunga sa milyon pisos (P500,000) ang ginadul-ong niya sa magtiyo nga Arroyo kada mag-abot ang ika-22 sang kada bulan bilang parte nila sa kita halin sa iligal nga sugal sa Bikol. Ang parte sang mga paryente sang presidente ginatipun-tipon kuno ni Chief Superintendent Restituto Mosqueda, anay hepe sang Philippine National Police sa rehiyon.

Antes magtungang si Cam, may pila ka testigos na nga ginpresentar sa imbestigasyon ang grupo nga Krusadang Bayan Laban sa Jueteng nga ginpamunuan ni Arso-bispo Oscar Cruz sang Pangasinan. Nagpahayag ang mga testigos nga nagabaton sang suhol ang mga paryente ni Arroyo.

Suno kay Cam, halin Setyembre 2004 tubtub Marso 2005, padayon ang pag-intregar ni Mosqueda sang suhol sa mga Arroyo. Lakip kuno ini sa mga kundisyon sang pagbutang sa iya bilang *regional director* sang pulisya sa Bikol. Dugang pa sang testigo, siya ang nangin tagadala sang suhol bangud abyan niya si Mosqueda.

Halin Agosto 2004, simanal nga nagakolekta si Cam sang P100,000 halin sa mga jueteng lord sa Sorsogon, P250,000 halin

sa Albay, P350,000 halin sa Camarines Norte kag P187,000 halin sa Camarines Sur. Nagakahulugan ini sang masobra P40 milyones ang tuigan nga koleksyon halin lamang sa apat ka prubinsya nga nasambit.

Sini naman nga Hunyo 10, nagguwa si Atty. Samuel Ong, anay *deputy director* sang National Bureau of Investigation (NBI) agud ihayag nga kapot niya ang mga orihinal nga tep nga ngaunod sang pagpakigsugilanon ni Gloria Arroyo kay COMELEC Commissioner Virgilio Garcillano bahin sa pagdinayaay sa nagligad nga eleksyon nasyunal. Ang mga teyp nga ini ang sa tunga sang ginatawag subong nga "Gloriagate."*

aSuno kay Ong, ang apat nga teyp resulta sang *wiretapping* ukon paniktik sa telepono nga ginahimo sang Intelligence Service of the AFP (ISAFP). Mabatian halin sa nasambit nga teyp ang direktang nga

magsugo ni Gloria Arroyo sa mga upisyal sang COMELEC nga dayaan ang isipay kag padag-on siya sang indi magnubo sa 1,000,000 boto. Makuha sa teyp ang tuman ka detalyado kag tuman ka hugot nga mga intruksyon sang presidente sa mga upisyal sang COMELEC agud mapat-ud ang iya pagdaog.

Luwas sa presidente, mabatian man ang mga kaapin sang administrasyon nga nagamaniobra agud dayaan ang isipay sang boto.

Ang mga teyp nabaton ni Ong halin kay T/Sgt. Vidal Doble, ahente sang ISAFP, nga upod niya nga nagsilong sa San Carlos Seminary sa Makati City agud ibuyagyag ang anomalya.

Nataranta gid ang Malakanyang sa paglupok sang mga iskandalo. Gilayon

ginkaptan sang ISAFP ang asawa kag mga anak ni Doble agud pwersahon magbaliskad ang ahente. Sang yara sa kamot na sang ISAFP si Doble, ginhimutig na niya ang iya papel sa pagkabuyagyag sang mga teyp.

Ginapagguwa subong sang rehimen nga kinidnap ni Ong si Doble kag indi boluntaryo ang pagkadto niya sa San Carlos Seminary. Santo sa nagkasalasala nga iskrip nga himo sang Palasyo, kon sisin-o na ang ginadalahig ni Doble sa kaso agud pagguwaon ang tanan nga himu-himo lamang sang mga kaaway sang rehimen. Sang indi makatindog ang amo nga alegasyon, ang gintudlo naman sang pulisya amo si Laarni Enriquez nga kabit ni Joseph Es-



*Pagkumparar ini sang "Watergate Scandal" sa US sadtong 1974 nga ginbunga sang pagkabuyagyag sang iligal nga paniktik sang Republican Party sa Hedkwaters sang karibal nga Democratic Party kaangot sa nagahilapit nga eleksyon presidensyal sadto. Dahil sa iskandalo nga ini, napwersa nga magbiya si Richard Nixon, presidente sadto sang pungsod.

trada, agud pagguwaon nga padihot sang anay presidente ang pagkabuyayag.

Nangin kaladlawan naman ang *reenactment* ukon pagdrama sang mga natabo nga ginapahimo sang Criminal Investigation and Detection Group kay Doble sa atubang sang *media*. Ang nasambit nga *reenactment* wala nagasanto sa nauna nga ginsumpaan nga pagsaysay sang ahente.

Indi man may maisip ang rehimen kon ano nga kaso ang ipasaka batuk kay Ong. Kon pasakaan ini sang *wiretapping*, obligado nga akuon anay sang presidente kag iban pa nga naimbolbar nga tingog nila ang yara sa mga teyp. Kon kidnapping naman, madamu nga testigos nga makapangin-wala diri lakip na ang pila ka obispo nga nagsapupo kanday Ong kag Doble. Sang ulihi, *inciting to sedition* ukon pagsulsol sang pag-alsa na lamang ang ginpasaka sini batuk sa anay upisyal sang NBI.

Padayon man sang pagpangita sang rehimen sang bisan ano nga makasamad kay Ong kag iban pa nga testigos sa mga nabulgar nga iskandalo. Ginapagguwa subong sang NBI nga kuno madugay na nga may relasyon sanday Sandra Cam kag Ong agud pagguwaon nga may natabo nga himbunanay agud samaron ang gubyernong Arroyo.

Halos malunod man si Justice Sec. Raul Gonzales sa nagapadaku nga numero sang gusto niya kasuhan.

Lakip kuno ang mga ini sa sin-o man nga may kopya sang CD nga nagaunod sang sugilanon nanday Arroyo kag Garcillano. Lapta na subong ang amo nga mga CD bangud mabakal na ini sa mga bangketa sa Kamaynilaan kag madamu pang syudad. Makuha man sa *internet* ang kontrobersyal nga mga rekord sang sugilanon. Pati kuno ang sin-o man magaamit sang tuman ka popular na nga *ringtone* sa *cellphone* nga "Hello, Garci?" mahimo manabat sa layi.

Wala duda mga tingog gid nanday Arroyo, Garcillano kag iban pa nila kahimbon ang unon sang mga teyp. Padayon naman sa pagbalibad ni Gloria Arroyo nga maghambal kaangot sa isyu. Ang paghipos na nga inisang presidente labi pa nga nagakumbinse sa madamu nga matuod ang unod sang mga teyp. Pati ang pila ka kapartido kag alyado ni Arroyo kumbinsido na nga nabutang sa peligro ang rehimen sa paghipos sang presidente.

Tanan ginahimo sang Malakanyang agud tapnaon ang mga pamatuod sa mga krimen sini kag maglikaw sa mga bunal sang nabuyagyag nga mga iskandalo. Pero sa kabaskog sang mga ginabaton nga bunal, indi na makasagang rehimen.

Sa atubang sang nabuyagyag nga mga kabastusan ang gubyernong Arroyo, nagahana nga malupok ang madugay na nga nagaindakal nga kaakig sang pumuluyo sa rehimen. AB

Mga protesta kontra kay Arroyo, nagalapad



Amat-amat nagalapad ang mga protesta sang pumuluyo agud pahalinon sa poder si Gloria Macapagal-Arroyo halin sang maglupok ang mga iskandalo sa jueteng kag ang ginatawag "Gloriagate."

Nagtambong ang 10,000 sa Maynila kag 20,000 sa Bacolod City agud hiwaton sadtong Hunyo 11 ang National Day of Mourning (Pungsodnon nga Adlaw sang Pagkasubo) sa pagpanguna sang apat ka obispong Katoliko kag sang ginapatapuan nila nga Kilusang Makabansang Ekonomiya. Luwas sa pagpakamalaut sa pagkaimbolbar ni Arroyo sa pagdinayaay sadtong nagligad nga eleksyon, ginkundenar man sa rali ang mga polisiya sa ekonomya sang rehimeng Arroyo nga nagapaantos sa pumuluyo.

Sadtong Hunyo 16, gintukod ang University of the Philippines Alliance for Arroyo's Removal (UP AWARE), isa ka alyansa sang mga estudyante, manunudlo, manalawsaw, em-

pleyado kag administrador sang unibersidad nga mabaskog nagakundenar sa subong nga gubyerno nga nakapundar sa kabutigan kag pagdinaya. Ginapanawagan sang alyansa ang pagkakas kay Arroyo paagi sang "pagbiya, impeachment ukon pagpahalin." Suno kay Francisco Nemenzo, anay pangulo sang UP, kag isa sa mga convenor sang UP AWARE, paagi sa ekstra-konstitusyunal lamang malimpyo ang subong nga gubyerno nga naputos sa korapsyon kag ginapamunuan sang mga elitistang pulitiko.

Ginsundan ini sang rali-protesta nga ginhiwat sadtong Hunyo 17 sang mga progresibong representante kag sang mga sektoral nga organisasyon

sa atubang sang pungsodnon nga upisina sang Commission of Elections (COMELEC). "Kamatuoran, indi pagpunggan!" ang ginasambit sa pila ka plakard nga nagapatungod sa padayon nga pagtinguha nanday Arroyo kag Commissioner Virgilio Garcillano nga lutsan ang iskandalo nga ginbunga sang Gloriagate. "Gloria magpanaug ka na!" suno sang pila pa ka plakard.

Sa sobrang baho sang subong nga administrasyon, nagdistansya man pati ang anay suod nga alyado kag tagasuporta sang rehimeng Arroyo. Sadtong Hunyo 17, nagpagguwa sang gintingub nga pahayag ang mga tiglawas sang 20 organisasyon nga nagatawag sa kaugalingon nga "civil society," tulad sang Code-NGO, mga negosyante, mga relihiyoso kag pati ang pila nga kapartido kag myembro sang gubyerno ni Arroyo. Ginapamilit nila nga kinahanglan maghambal kag magpaathag na si Arroyo bahin sa nabulgar nga dinayaay sa nagligad nga eleksyon. Siling nila, "... kon siya ang yara sa teyp... dapat nga magbiya siya sa pwesto, pati na si Vice Pres. Noli de Castro kag ang mga komisyuner sang COMELEC."

Madamu man nga nagguluwa nga matinugahon nga porma sang protesta. Nagalapnag na daw pandesal sa Maynila kag iba pang banwa ang tig-P5 mga compact disc (CD) nga nagaunod sang pagsugilanon nanday Arroyo kag Garcillano. Uso man katama ang ringtone sa

cellphone nga "Hello! Garcia?" na nagatamay kay Arroyo. Suno sa TXT Power, isa ka grupo nga nagatib-ong sa interes sang publiko nga nagagamit sang mga cellphone, ang mga ini ekspresyon sang malaparan nga disgusto sag pumuluyo sa rehimen. Tuman kapopular subong sang website sang TXT Power kon sa diin makuha ang lain-lain nga bersyon sang ringtone kag sarisaring lahug kag pagtamay sa gubyernong Arroyo.

Agud pagguwaon nga lubos gihapon ang kontrol ni Arroyo sa gubyerno, naglupad siya padulong sa Hong Kong sining Hunyo 20 para mag-engganyo sang mga dumuluong nga kapitalista nga mamuhunan sa Pilipinas. Ugaling ginsug-alaw siya didto sang protesta sang mga migranteng Pilipino. Sa pagpamuno sang United Filipinos in Hong Kong (UNIFIL-HK), nagralli ang mga Pilipino sa atubang sang hotel nga ginateneran ni Arroyo kag nanawagan nga pahalidon ang presidente.

Sini man nga Hunyo 20, natukod ang koalisyon sang BAYAN, mga organisasyong relihiyoso kag mga grupong maka-Estrada agud ipanawagan ang pagpahalidon kay Arroyo. Ang natukod nga koalisyon amo magapanguna sa isa ka aksyong protesta sa Hunyo 24. Isa man ka aksyong protesta ang nakatalana nga ilunsar sang isa ka grupo sang mga retiradong heneral sa pagpamuno ni Fortuna Abat sa Hunyo 25. AB

Sa kada mabaskog nga bunal sa rehimen:

"Padihut nga destabilisasyon"

"Padihut nga destabilisasyon" ang masami na lang nga palusot nanday Gloria Arroyo sa mabaskog nga lampos kag mabaskog nga paghulag batuk sa rehimen. Ginapagguwa subong nanday Arroyo nga kabahin lang sang "padihut nga destabilisasyon" ang nagalapna nga mga audio tape sang Gloriagate nga nagauunod sang pagsugilanon nanday Gloria Arroyo kag COMELEC Commissioner Virgilio Garcillano kag iban pa nga kahimbon sang Malakanyang sa dinayaay sa nagligad nga eleksyon.

Kasunod insigida ini sa pagbuyagyag ni Arsobispo Oscar Cruz kag iban pa nga mga testigos bahin sa pagka-imbolbar sang bana, anak kag bayaw ni Gloria Arroyo sa iligal nga operasyon sang jueteng nga suno sa mga tinawo ni Arroyo isa man ka "plano nga destabilisasyon."

Buot iwarik sang amo nga pagpalusot ang nagalapad nga pagkangil-ad kag pagkunderan nga ginabunga sang mga iskandalo. Kadungan sini, ginahatagan-rason sini ang pagpangtapna kag pagpamahug sa

mga nangisog-buot nga magbuyagyag sang mga anomalya kag krimen nga ginadalahan sang pamilyang Arroyo kag mga upisyal sang rehimen. Ginaabangan ang naumpisan na nga mga imbestigasyon. Nagamaniobra ang guban Arroyo agud pagguwaon nga ang mga natabo nga pagbuyagyag himu-himo lamang



sang kampo sang ginsipa nga presidenteng si Joseph Estrada kag iban pang karibal sa pulitika.

Indi na bag-o ang amo nga mga taktika sang rehimeng Arroyo. Halin sang magpungko si Arroyo sa poder, patarasak ang paggamit

sang rehimen sa bansag nga "padihut nga destabilisasyon" agud ihimutigan ang tanan ang tanan kag anuman nga paghulag nga nagakwestyon sa pagkalahitimo kag padayon nga pagginahum sang rehimen. Ini ang ginbansag sang rehimen sa paghulag sang gatoslibo nga imol sa syudad sa atubangan sang Malakanyang sadtong Mayo 1, 2001 kag ginadahilan sa ginahimo nga kalakasan sa mga nagralli didto.

"Padihut nga destabilisasyon"

man ang ginatawag sang Malakanyang sa nagpahayag sang protesta ang mga suldado kag manubo nga upisyal sang AFP sa Oakwood Hotel sadtong Agosto 2003. Ginduso lamang kuno ang mga ini sang daluk sa gahum nga mga kaaway sang rehimen. Gintuyo sini nga tabunan ang mga lehitimong halambalanon nga ginapresentar sang mga naga-protesta, pahugon ang pumuluyo sa kuno negatibo nga mga epekto sang mga amo sining paghulag sa ekonomya kag pangabuhian kag ipangita sa mga karibal sini sa pulitika nga himuon sini ang tanan agud magpabilin sa poder.

Matapos ang duha ka tuyo nga pahalinon siya sa poder, ginsakup na sang “padihut nga destabilisasyon” ang tanan nga hitabo nga may negatibong epekto sa reputasyon kag kahimtangan ni Arroyo. Sadtong 2003, binansagan ni Arroyo nga kabahin sang sang “padihut nga destabilisasyon” ang sunod-sunod nga hold-apan sang mga kriminal sa mga bangko sa Metro Manila. “Padihut nga destabilisasyon” man kuno ang mga pagpangkidnap sa nga negosyanteng Filipino-Chinese sadtong tuig man nga ina.

May mga gilayon nga peligro ukon wala man sa pagginahum sang rehimen, hayagan sini nga ginagamit ang pamahug sang “padihut nga destabilisasyon” agud hatagan-rason ang paggamit sang sobra-sobrang pwersa militar kag pulis agudtapnaon ang kinamatarung sang pumuluyo sa hilway nga pagtipon kag pagpahayag. Lakip diri ang mapintas nga pagtapna sa demonstrasyon sadtong Hunyo 2004 batuk sa pagdinaya sa eleksyon kag ang pagbungkag sa mga demonstrasyon sadtong Hulyo 2004 nga naga-insister sang pagpauli sang mga

tropang Pilipino halin sa Iraq. Sadtong Disyembre 2004, pila ka pulo ka batalyon sang militar kag pulis ang ginpahulag ni Arroyo agud pungan kag balabagan ang pagpasakup sang libu-libong pumuluyo sa lubong ni Fernando Poe Jr., ang pinakamabaskog nga karibal ni Arroyo sa nagligad nga eleksyon, dahil kuno sa “padihut nga destabilisasyon.” Sining Mayo 2005 naman, ginbuhi liwat ni Arroyo

ang murto sang “destabilisasyon” agud tapnaon ang paghulag sang libu-libong mamumugon nga nagtipon sa Adlaw sang Pangabudlay.

Ginapatingkad sang patarasak nga paggamit sang rehimen sa pamahug nga destabilisasyon ang mabaskog nga kahadlok sini sa paghulag

sang mga nagaantos nga pumuluyo ilabi na kon upod ang mga reaksyunaryong pangontra sini sa pulitika kag mga disgustadong pwersa sang guberno kag militar. Bal-an ni Arroyo nga kon pabay-an niya nga maglambo kag bumwelo ang sari-saring isyu kag iskandalo nga nagaputos sa iya pagginahum, gamay lang ang kinahanglan agud dalayon siya mapahalin sa poder.

Indi mapunggan sang anuman nga palusot, maniobra ag pagpamahug sang rehimen ang pagtuhaw ang nakatalay-og nga iskandalo nga bunga sang disgusto sang mga kabahin sini sa kaban sang banwa kag mga kriminal nga operasyon. Bangud sa labaw nga kahakugon kag kadalukon sang pamilya kag mga ginapaboran ni Arroyo, indi ma mapunggan ang pagdamu pa sang mga anomalya nga mabuyagyag sang mga karibal sining pulitiko kag pati mga kaugaling sini nga tinawo kag sang nagkalain-lain pa nga nakakita kag nakadiskubre sang mga ini. Ang kada isa sini kag labi na ag pagtili-

pon sang mga ini basehan na sa paglupok sang labaw nga kaakig sang pumuluyo. Pinakamabaskog sa subong ang pagdinaya sa eleksyon nga nabulgar sa mga teyp sang Glo-riagate.

Sa pag-ako nga nagadamu ang mga “padihut nga destabilisasyon,” ginapatingkad man ni Arroyo ang madamu nga mabug-at nga isyu batuk diri kag ang kamatuoran nga mahuyang kag padayon nga nagakadunot ang iya rehimen. Nahibal-an lunsay nanday Arroyo kag sang iya mga pangontra sa pulitika nga makitid kag nagakiya-kiya ang tungtungan sang iya pagginahum kag nakapabilin lamang ang iya rehimen paagi sa pagbakal sang lealtad sang mga daluk-dalok nga upisyal sa bu-rukasyang sibil kag militar, pagpaniplang kag pamahug sa pumuluyo, kag pagtapna kag pagpanakit sa mga nagabatu sa rehimen.

Samtang nagaluya ang kapyot ni Arroyo sa poder, labi naman nga nagadamu ang tuyo sang mga karibal niya sa pulitika nga agawon sa iya ang Malakanyang. Nagadamu na ang mga nagatuhaw nga grupo halin sa nagaharing sahi kag iban pa na tradisyunal nga kadampig nga sektor nga hayagan nagapahayag sang pagkalas-ay sa rehimen kon indi man nagapanawagan para pahalinon na ini. Lakip diri ang mga retirado kag aktibong upisyal militar, pila ka upisyal sang simbahang Katoliko kag mga makabanwang negosyante, kag pati ang signipikanteng seksyon sang mga sosyal-demokrata nga anay masupog nga tagasuporta sang rehimen.

Pero ang pinakadaku nga pagahalinan sang destabilisasyon amo ang mga kahimuan sang rehimen Arroyo mismo. Sa pagpamilit nga ipatuman ang pinakamalaut nga kontra-pumuluyo nga mga polisiya kag tikang, ginadabukan sini ang malapad nga kubay sang pumuluyo nga mag-alsa agud sipaon siya sa poder.

AB



Palparan, masupog nga pasistang idu sang rehimen

Gindeploy sang rehimen Arroyo sa Eastern Visayas (EV) ang kilala nga berdugo sang Mindoro nga si Brig. Gen. Jovito Palparan sa paglaum nga madala niya didto ang ginasigahum sang rehimen nga madinalag-on nga pagguba sang rebolusyonaryong kahublagan sa Mindoro.

Nagsayup ang rehimen Arroyo sa paghandum nga mapapas sang pasistang brutalidad ang rebolusyonaryong pwersa sa EV. Pareho sang ginhimo nila sa Mindoro, pangunahon nga ginahimo nila sa EV sa su-bong ang pagpaupok sang mga atake kag pamasista sa mga di-armadong pumuluyo kag sa mga maslider kag aktibista sang hayag nga demokratikong kahublagan. Samtang, padayon ang mga kadalagan nga naagum sang BHB sa pagpakig-away sa reaksyunaryong AFP sa EV kag labi pa nga nagadasig ang recruitment sa BHB. Ang madulom nga kakugmat nga ginasabwag ni Palparan lunsay sa kasyudaran kag kaumahan ang pinaka-epektibo subong nga tagarekruta sang mga Pulang hangaway sa rehiyon.

Humalin pa sadtong ulihi nga bahin sang dekada 1970, tampok ang EV sa madamu nga mabinulawanon nga kadalagan sa rebolusyonaryong kahublagan, ilabi na sa pagtukod sang Partido kag hangaway sang banwa, sa pagpasulong sang rebolusyong agraryo, sa pagpalapad kag pagpataas sang lebel sang mga organisasyong masa kag pagtukod sang lokal nga organo sang rebolusyonaryong gahum pangpulitika. Ang mga kadalagan nga ini nga padayon ginakaptan sa mahaba nga panahon ang ginatuyo sang rehimen nga ma-

wasak. Nagakurog ang tuhod sang rehimen Arroyo sa malapad kag padayon nga pagkusog sang rebolusyonaryong kahublagan sa rehiyon.

Bangud sa indi magguba-guba ang mga ini paagi sa simpleng paglunsar sang mga operasyon militar, ginatilawan subong sang rehimen ang aplikasyon sang kontra-rebolusyonaryong taktika sang "pagsag-a sang tubig agud madakup ang isda." Nagakahulugan ini sang pagkambyo sang

atake kag pamasista sang reaksyunaryong pwersa sa pumuluyo sa paglaum nga madulaan sang baseng masa ang mga rebolusyonaryong pwersa.

Partikular nga interes man sang mga reaksyunaryong nagaharing sahi nga maproteksyunan ang mga pang-ekonomyang interes nila sa rehiyon. Isa ang EV sa mga rehiyon nga ginalauman pagasentruhan sang madamu nga "proyekto pangkauswagan." Sa partikular, ang rehiyon isa sa natumod nga lugar nga abunda sa dunang manggad, pangunahon na mga resorsa para sa pamina. Lakip sa mga dalagku nga kumpanya sa pagmina nga naareglo na sa rehimen amo ang Bauxite Resources, Inc. kag Alumina Mining of the Phil., Inc. Ginhatagan-ligwa ang mga kumpanya nga ini matapos palig-unon sang Korte Suprema subong nga tuig ang maki-dumuluong kag kontra-pumuluyo nga Mining Act of 1995. Nagalalaway ang rehimen sa ginalauman sining P330 bilyones nga ipasulod nga kapital sang mga kumpanya sa pagmina. May partikular nga balor para sa rehimen ang EV ilabi nga madamu nga kumpanya sa mina ang nagapakita sang interes sa manggaranon nga kadutaan didto. Pero halos tanan sang pinakamanggaranon nga resorsa sa pagminayara sa mga





lugar kon sa diin mabaskog ang rebolusyonaryong kahublagan. Dugang nga dahilan ini kon ngaa labing kinahangalan nga hatagan sang espesyal nga katungdan si Palparan para waskon ang rebolusyonaryong kahublagan sa rehiyon.

Ginhimo nga heneral sang 8th ID si Palparan sadtong Pebrero 10, 2005. Tampok sa rekord ni Palparan ang wala hawid-hawid nga paggamit sang pinaka-brutal kag makasiligni nga mga pamaagi sa pag-atubang sa demokratiko kag rebolusyonaryong pwersa. Gani kon may plano ang rehimen nga dunuton ang rebolusyonaryong kahublagan sa isa ka partikular nga lugar sa brutal nga paagi, si Palparan ang ginabutang diri.

Bilang masinulundon nga idu sang pasistang rehimen, gilayon nga nagsabwag sang pasistang kakugmat si Palparan sa Samar kag Leyte. Walo ka adlaw pa lang matapos siya gindeploy, nagpadala na ini sang mga tinawo agud patyon si Fr. Allan Caparro, pangaduha nga tagapangulo sang Promotion of Church People's Response sa EV kag isa sa mga pa-

Pati pa mga bata?

Sining Mayo 3, tatlo ka bata sa Matuguinao, Western Samar ang gin-abuso sang militar. Ginapangita sang militar ang ila mga ginikanan kag sang ang mga ini indi makita, ginpaukpan sang mga abusado nga tropa ang mga bata. Ginpaso sang sigarilyo ang kinatawo sang mga bata.

Sadto namang Marso 31, ginkuot sang mga tropa sang 34th IB sa Catbalogan, Samar ang mag-asawa nga sanday Nonario kag Rina Fabella kag ang ila mga anak nga sanday Liza, 8; Marissa, 7; Charisee, 5; kag Kulot, 3. Sina katapu sang Advocates for Women's Actions, Rights and Empowerment (AWARE), isa ka organisasyon nga alyado sang GABRIELA.

AB

ngunahon nga nagapamatuk sa malaparan nga pagmina sa rehiyon. Katuyuan sini nga hatagan paandam ang mga pareho ni Fr. Caparro nga nagatib-ong sang tawhanon nga kinamatarung nga hugot nga ginadumili ni Palparan ang anuman nga pagpamatuk. Ginsundan ini sang sunod-sunod pagpamatay, pagkuot, arbitraryong pagpangdakup kag iligal nga pagdetenir, pagpanakit, pagpanortyur kag pagpangharas sa masa sa kaumhan kag sa mga kilalang lider kag katapu sang mga de-

mokratikong organisasyon sa mga prubinsya sang Samar kag Leyte.

Sa lima ka bulan pa lamang nga pagtener ni Palparan sa rehiyon, nagabot sa 500% ang gintaas sang mga paglapas sa tawhanon nga kinamatarung sa EV kumpara sa kabilugan nga numero sang mga paglapas sa nagligad nga tuig.

Matapos ang sunod-sunod nga krimen batuk sa pumuluyo sang EV, mapang-insulto nga ginalunsar ni Palparan ang isa ka programa sang pagpahamot sa imahen sang 8th ID, ang "Kamay, Ngiti, Bati" (Kamusta, Yuhom, Panamyaw).

Wala sang nainto si Palparan sa amo nga mga taktika. Diin man siya magkadto, nagatabid sa iya ang mabaskog nga pagkunderan kag pagbatsu sang pumuluyo sa iya mga brutal nga pamaagi.

Kabaylo sang hayag katama nga paglapas ni Palparan sa tawhanon nga kinamatarung sang tuman kadamu nga pumuluyo, ginhatagan siya sang rehimen sang duha ka magkasunod nga promosyon. Ginahimo sang Malakanyang ang nagkalain-lain nga paagi agud mapalusot sa Commission on Appointments ang panibag-ong promosyon kay Palparan pasaka sa major general. Ini ang ginpadya ni Arroyo sa iya pinakamasupog nga pasistang tagapatuman sa Eastern Visayas.

AB

Napaslawan ang berdugo

Pahabok ang ginasiling sang AFP nga sa paagi sang pasistang brutalidad ni Gen. Palparan nagguba ang rebolusyonaryong kahublagan sa Mindoro. Nag-agi sa pila ka kahalitan kag kabudlayan ang mga rebolusyonaryong pwersa sa isla pero sa kabilugan napaslawan si Gen. Palparan nga waskon ukon piangon man lang ang rebolusyonaryong kahublagan didto.

Ang madinalag-on nga taktikal nga opensiba sang BHB sa Barangay Ligang, Mamburao, Occidental Mindoro sadtong Pebrero 18, 2005 kon sa diin duha ka suldado ang napatay kag lima ang napilasan pamatuod nga nagapabilin nga buhi kag relatibong mabaskog ang rebolusyonaryong kahublagan sa Mindoro.

Ang di-armadong pumuluyo sa Mindoro ang nagaagi sang pinakamabaskog nga kahalitan sa pagtinguha ni Palparan nga pungan sila nga magsuporta sa rebolusyonaryong kahublagan. Madamu nga lider kag aktibistang masa kag ordinaryong pumuluyo ang ginpamatay, ginkuot, ginpabudlayan kag ginpahug sang iya mga tropa. Bilog nga komunidad ang ginpangbomba, pwersahan nga ginpabakwit kag ginpahug sang hayag kag tago nga gaway sang berdugo sa Mindoro.

AB

Ang numero uno nga manuglaksam sang lupa sa Cagayan Valley

Ang reaksyunaryong gubyrerno ang pangunahon nga manuglaksam sang lupa sa Cagayan Valley. Ang mga ginalaksam sang gubyrerno halin sa mga mangunguma ginahatag ukon halog nga ginpagamit sa mga higanteng korporasyon, burges kumprador kag agalon nga may-duta.

Masobra isa ka milyong ektaryas ang gin-agaw subong halin sa mga mangunguma agud hatagan-dalan ang mga proyekto kag programa sang gubyrerno kag sang kahimbon sini nga mga dumuluong nga monopolyo-kapitalista kag burges kumprador. Sa bilog nga kasaysayan sang rehiyon, wala tupong ang pagpanglaksam sang lupa sa rehiyon sa nagligad nga 17 ka tuig sa idalum sang paltik nga Comprehensive Agrarian Reform Program (CARP).

Wala sang ginasanto ang manuglaksam nga gubyrerno—may titulo man ukon wala, ginaagaw ang lupa sang mga mangunguma. Isa sa pina-kalapnagon nga mga paagi sang pag-panglaksam sa bilog nga Cagayan Valley ang pagkansela sa mga Certificate of Land Title (CLT) kag Certificate of Land Ownership (CLOA) nga ginhatag na sa mga mangunguma. Amo sini ang nagakatabo sa Hacienda Sta. Isabel kag Hacienda San Antonio, Hacienda Maluno, Hacienda Nuesa kag iban pa sa Isabela; kag sa Hacienda Madrigal, Hacienda Hawkins, Arranz Estate, Pallagao Estate kag madamu pa nga ibang asyenda kag talamnan sa Cagayan.

Ginahunos ang ginatus-gatos kalibo nga ektaryas sang kadutaan bisan nakabayad na sang pila ka pulo ka libong piso ang mga mangunguma para sa amortisasyon sa sulod sang pila ka pulo ka tuig. Gina-agaw sang gubyrerno ang mga kadutaan nga ini agud mapuslan sang mga proyekto nga pareho sang 300,000-ektaryang Cassava Plantation Project ni Eduardo “Danding”

Cojuangco. Sakup sang proyekto ni Cojuangco ang 21 ka banwa sang Isabela, 10 banwa sang Cagayan, tatlo ka banwa sa Quirino kag duha ka banwa sa Nueva Ecija.

Sa proyektong Coal Mine kag Coal-fired Power Plant nga naga-sakup sang 64,000 ektaryas sa mga banwa sang Cauayan, Benito Soliven kag Naguilan sa Isabela kakum-plot sang mga higanteng multinasyunal nga korporasyon sa mina ang reaksyunaryong gubyrerno sa pag-agaw sang duta sang 10,000 pamilya nga mangunguma. Nagakakulba naman ang 26,000 ektaryas sang mga banwa sang Gonzaga kag Sta. Ana sa naaminhang Cagayan nga pilit ginasakup sang Cagayan Economic Zone Authority (CEZA). Daan na nga gindeklarar sang Bureau of Lands nga bukas kag abandonado ang mga kadutaan nga ini gani ginpusisyonan ini, ginhawan kag gintalauma sang mga mangunguma nga Ilokano kag mga minorya halin sa Ifugao, Bontoc, Benguet kag Abra halin pa sadtong dekada 1970. Gusto panginpuslan sang CEZA ang matambok nga duta, manggaran nga pangisdaan kag iban pang resorsa sa nasambit nga

mga banwa.

Isa man ka daku nga negosyo sa Cagayan Valley ang pagpang-into sa mga mangunguma agud maagaw ang ila duta. Sa tinipik-tipik nga baryo sa Central Isabela, halimba-wa, ginagamit sang mga sindikato nga kahimbon sang Department of Land Reform (DLR), Land Bank kag Department of Environment and Natural Resources (DENR) ang *voluntary offer to sell* (VOS) sang CARP agud lansihon ang mga mangunguma na magbayad agud ipasarbey ang duta nga madugay na nila ginatalauma kag nahatagan na sila sang titulo.

Ginapresyuhan sang P30,000 ang kada ektarya nga pabayaran sa mga mangunguma sang P500 kada anihan sa sulod sang 30 tuig. Ginpahog ang mga mangunguma nga kon indi sila magpasugot diri pagakumpiskahon ang ila lupa. Ginahunos ang duta sang mga mangunguma nga napilitan magpaidalum sa iskemang VOS



nga indi makabayad sang amortisasyon. Ang gin-embargo nila nga duta ginahatag sa mga lokal kag dumuluong nga negosyante. Suno sa panalawsaw, nagaabot sa P502,000 kada lote ang ginakita sang sindikato, DLR, DENR kag Land Bank halin sa pagbayad sang pa-sarbey kag paltik nga pagtitulo sang mga duta.

Ginalaksam naman sang pila ka dumalay-o nga pamilya kag ahensya sang gubyrerno ang 15,303 ektaryas sang 30,000-ektaryang Sandoval Estate sa Isabela kag Nueva Vizcaya. Luwas sa pamilya Sandoval kag tatlo iban pang pamilya nagaagaw sa

3,892 ektaryas diri, may kada isa man nga parsela sang ginlaksam ang Philcacao (4,000 ektaryas), Bureau of Lands (1,750 ektaryas) kag Bureau of Forest Development (5,661 ektaryas) sang reaksyunaryong gubyrerno. Ang mga pamilya nga nagapang-agaw sang lupa diri may kapot nga mga paltik nga titulo nga nakuha nila sa pagpakighimbon sang reaksyunaryong korte.

Sa madamu man nga kahigayunan, ginabag-o agud mapataas ang balwasyon ukon pagpresyo sa duta kag liwat ginapabayaran sang mas mahal nga amortisasyon ang mga mangunguma direkta sa agalon nga mayduta. Hungod nga ginapabudlayan ang mga mangunguma agud magpasugot sila sa kagustuhan sang gubyrerno kag manug-agaw nga agalon nga mayduta kag burges kumprador. Tampok nga halimbawa sini ang 64,597 ektaryas sa Mallig Plains, Isabela nga target patamnan sang balinghoy ni Danding Cojuangco.

Masobra 65% (1.7 milyong ektaryas) sang kabilugan nga 2.6 milyong ektaryas sa rehiyon ang pilit ginaklasipika bilang kagulangan bisan madugay na ini nga ginbungkag kag ginpauswag sang mga mangunguma. Ginapaidalum inisa mga iskema tulad sang Community-Based Forest Management, Integrated Socialized Forestry kag iban pang proyekto sang gubyrerno nga nagatuyo nga buhion liwat kuno ang kagulangan pero ang matuod nga tuyo amo nga agawon ang duta sang mga mangunguma.

Maluwas sa pagpang-agaw sang gubyrerno, ginahunos ang mga parsela sang duta sang mga mangunguma bilang pangbayad sa utang nga nagatinambak bunga sang pagtaas sa gastos sa pagpanguma. Sa kawad-on sang suporta sang gubyrerno sa mga mangunguma, nagakadto sa kamot sang mga komersyante-usurero ang mga kadutaan nga ginakabuhi sang milyon nga pamilya sa rehiyon.

AB

Terorismo sang US

Wala sa interes sang imperyalismong US nga pakalmahon ang kinagamu kag kalakasan sa Iraq ukon sa diin man nga bahin sang kalibutan. Sa kamatuoran, mismo ang US ang nagadabuk kag nagaumpisa sang mga kinagamu kag kalakasan agud padayon nga hatagan-rason ang pagpasilabot kag pagpanakup sini, pabaskugon ang pagsandig sang mga idu-idu nga estado sa suporta militar kag pulitikal sini kag balabagan ang pag-sulong sang mga tunay nga kahublagang anti-imperyalista kag demokratiko.


Sadtong 2002, ginbangdan sang rehimeng Bush ang mga teroristang atake sa US agud tukuron ang Proactive, Preemptive Operations Group (P20G), isa ka sikreto nga hangaway sang mga operatiba sang Central Intelligence Agency (CIA) kag militar sang US. Ginatawag ini nga "proactive" dahil sa oryentasyon sini nga indi pangdependa, kundi aktibong nagahimo sang mga pamaagi para magpangita sang kaaway kag magsulsol sang gamu; kag "preemptive" dahil sa oryentasyon sini nga "unahan ang kaaway" bag-o ini makaatake ukon bisan bag-o ini makaporma man lang. Direkta ini nga ginapamunuan ni US Secretary of Defense Donald Rumsfeld agud maghimo sang mga likum nga operasyon militar, pagpaniktik, pagpanglansi kag disimpormasyon nga magagatong sa nagapasingki nga kinagamu kag kalakasan sa bilog nga kalibutan.

Suno sa mga panalawsaw, katungdanan sang P20G ang maglunsar sang

kalakasan, pareho sang mga asasinasyon kag pagpanabotahe, agud sulsulan ang mga grupo nga ginbansagan sining "terorista" nga magahimo sang balos nga operasyon. Ang mga operasyon sang P20G ginapagguwa nga kahimuan sang mga "terorista" batuk sa mga inosenteng sibilyan. Luwas sa paagi nga ini para samaran ang pangontra, ginagamit pa sang US ang nahimo nga kalakasan kag ginagamu agud labi pa nga pakugmaton ang pumuluyo kag hatagan-rason ang pagpasilabot sang mga pwersa sang US kag paggamit sang mga mapiguson nga mga polisiya kag pamaagi.


Suno sa mga *analyst* sang US, ang mga operasyon sang P20G makumparar sa pila ka dekada nga kalakasan nga ginhi-mo sa idalum sang Operation Gladio umpisa 1952. Kuno gindesyong sang US kag sang NATO ang Operation Gladio agud magtukod sang mga armadong organisasyon agud batuan ang possible

pag-atake sang Soviet Union sa Western Europe. Sa kamatuoran, pangunahon nga kaundan sang Gladio ang pagpon-





Direkta ini nga ginapamunuan ni US Secretary of Defense Donald Rumsfeld agud maghimo sang mga likum nga operasyon militar, pagpaniktik, pagpanglansi kag disimpormasyon nga magagatang sa nagapasingki nga kinagamu kag kalakasan sa bilog nga kalibutan.



do sa magagmay pero panatiko nga mga anti-komunistang grupo agud magtigayon ang mga ini sang pagpamomba nga mahimo ibasol sa mga maka-Wala nga grupo. Sa sini, makugmat ang pumuluyo samtang ginapunggan ang pagbaskog sang gahum pangpulitika sang nasambit nga mga grupo. Pinakatampok nga halimbawa ini ang pagpamomba sa isa ka tren sa Italy sadtong 1980 nga nagapatay sang 85 katawo. Gilayon ini nga ginbasol sa mga “maki-Wala nga elemento” pero sang ulihi nagguwa sa imbestigasyon nga himo ini sang isa ka ultra-Tuo nga grupo nga nakapaidalum sa Operation Gladio.

Amo man sa esensya ang “Operation Northwoods,” isa ka sikretong operasyon sang US nga ginhimo sadtong 1963 batuk sa Cuba. Gingamit diri ang mga pagpamomba, pagorganisa sang mga magagmay nga grupong vigilante, pagpatay sang mga inosenteng sibilyan kag kon ano pa nga mga makasiligni nga taktika agud hatagan-rason ang pagsalakay sa Cuba. Pag-abot sang 1970, kabahin na sang manwal sang US Army ang paggamit sang sarisaring “teroristang pagpang-atake” kag igabasol sa mga “komunista kag sosyalista.” Sa panahon nga ini, nagtigayon sang mga teroristang pagpang-atake kag pagpananum sang mga ebidensya ang mga operatiba sang US kag NATO sa Western Europe agud kumbinsihon ang mga lider didto sa mga “kalainan sang komunismo.” Ginapangin-wala subong sang US ang pagluntad sang amo nga dokumento.

Terorismo sa ngalan sang anti-terorismo. Samtang nagasingki ang pagbatu sang mga Iraqi, labi man nga nangin wala pili ang paggamit sang terorismo sang US sa ngalan sang anti-teroristang gera kag padayon nga pagpanakup ini sa Iraq. Luwas sa wala patawad nga pagpanghulog sang mga bomba kag pagpalupok sang mga bilding sa mga ginasuspetsahan base sang mga gerilyang Iraqi pareho sang ginhimo sini sa syudad sang Falluja, nagatigayon

man ang US sang mahigko, pakusog kag brutal nga padihut agud pagsingkion ang mga banggianay etniko sa Iraq. Likum nga nagatanum sang mga bomba ang mga tropang Amerikano sa mga salakyan sang sibilyang Iraqi kag ginapalupok ang mga ini sa tunga sang madamung tawo. Ginabasal ang mga ini sa mga gerilyang Iraqi agud samaran ang mga nagabatu sa US kag paaway-awayon ang mga sibilyan nga nagasuporta sa armadong paghimakas.

Sa amo man, nagapatuman sang nagkalain-lain nga tikang ang mga awtoridad sang US sa Iraq agud patingkaron ang mga pagkalain-lain sa tunga sang mga grupong etniko sa Iraq.

Sa Pilipinas, makapila ka beses na nga nagtuhaw ang pagkadalagig sang mga sekretong operatiba sang US sa mga teroristang pagpamomba

Ang sikreto nanday Bush kag Blair, nabuyagyag

Madugay nga nahublasan ang mga kabutigan sang rehimeng Bush kag kahimbon sining rehimeng Blair sang United Kingdom angot sa pagsalakay nila sa Iraq. Subong nga bulan, nabuyagyag ang kasulatan sang isa ka sikreto nga pagpulong nanday Prime Minister Tony Blair kag iya mga adbayser nga nagadetalye sang plano sa pagsalakay kag mga taktikang militar sang US, walo ka bulan antes aktwal nga lusubon ang Iraq.

Maathag nga naipubliko ang dokumento nga hungot ginduktor nanday Bush kag Blair ang mga nagaguwa nga “ebidensya” batuk sa Iraq. Sistematiso sila nga naghimo sang kabutigan agud pahugon ang pumuluyo sang kalibutan kag hatagan-rason ang pagpanalakay.

Suno sa mga dokumento, sadtong Hulyo 2002 nagbaton sang report si Blair nga desidido ang US nga maglunsar sang gera agud pukanon ang gubyrno ni Saddam Hussein sa Iraq kag itapalan sini ang terorismo kag ang isyu sang *weapon of mass destruction* (mga armas para sa madamuan nga pagpanghalit). Kaangot sini, ginreport man nga “ginaareglo sang US ang mga igapresentar nga datos para sa pagsulundan” sang gera. Ginsambit man sa report kay Blair nga wala sang buot ang US nga magpaidalum sa mga proseso sang United Nations.


Dahil sa pagkabuyagyag sang mga dokumento nga ini, nagabaskog ang panawagan sang pumuluyo sa UK nga pahalinon sa pwesto si Blair.

AB

sa mga pangpublikong lugar, kahimbon ang ila mga idu-idu sa reaksyunaryong hangaway.

Pinakamatingkad nga halimba-wa ang kaso ni Michael Neiring, isa ka espesyal nga ahente sang US nga nakaistasyon sa Davao sadtong 2002. Pangunahong papel ni Meiring ang maghanas kag magpondo sang mga pagpangmomba sa Mindanao agud hatagan-rason ang padayon nga presensya sang mga tropang militar sang US sa isla. Nabuyagyag lamang ang papel ni Meiring sa mga teroristang aktibidad dahil sa aksidenteng naglupok ang ginkumpuner nga bomba sa sulod sang iya kwarto sa isa ka hotel sadtong Mayo 2002. Matapos mabulgar, dali-dali siya nga ginkuha at ginpalusot pagguwa sang pungsod sang mga ahente sang Federal Bureau of Investigation sang US.

Antes ini, sunod-sunod ang pagpamomba sa Mindanao. Sa General Santos City, may naglupok nga bomba sadtong Abril 21, 2002 nga nagpatay sang 15 katawo. May mga pagpamomba man sa Cotabato kag Maynila nga gin-ako sang Indigeno-us Peoples' Federal Army, isa ka di kilalang grupo nga wala kuneksyon diin man nga armadong grupo sa Mindanao. Nagsugod magtuhaw ang ngalan sini sadtong Disyembre 2004, kadungan sa pinakaulihi nga pagsulod ni Meiring sa pungsod.

Sa sulsol man sang US, naghimo ang gubyernong Arroyo sang mga pagpamomba agud ibasol sa mga "terorista" kag hatagan-rason ang mapiguson sini nga polisiya. Imbolbado sa mga pagpamomba nga ini sanday Gen. Angelo Reyes, sadto Secretary of Defense, kag Gen. Victor Corpus, hepe sadto sang Intelligence Service of the AFP. Lakip sa mga operasyon nga nadalahigan niya ang pagpamomba sa Sasa Wharf sa Davao City sadtong 2003 kag ang pagpalupok sadtong Pebrero 14, 2005 sa mga syudad sang Makati, Davao kag General Santos. 

7 M16, naagaw sang BHB sa ambus sa Ilocos Sur

Pito ka ripleng M16 ang naagaw sang mga Pulang hangaway sang madinalag-on nila nga ambusan ang mga tropa sang "C" Coy sang 50th IB sa maragtason nga Bessang Pass sa Barangay Malaya, Cervantes, Ilocos Sur sining Hunyo 13.

Ang pag-ambus madasigan nga ginhanda sang mga gerilya sang mabatian ang pagsulod sang mga suldado sakay sa isa ka siksabay agud maghimo sang clearing operation sa erya.

Suno sa Alfredo Cesar Command, pangprubinsya nga kumand sang BHB, ang taktikal nga opensiba isa ka pagsilot sa malubha nga mga krimen sang 50th IB sa pumuluyo sa mga banwa sang Cervantes kag Quirino. Sangkap sa kadalag-an sang ambus ang mapagsik nga suporta sang pumuluyo sa duha ka banwa.

Siyam ka pasistang suldado ang napatay sa inaway kag tatlo ang napilasan lakip si 2Lt. Emmanuel Latay, kumander sang yunit nga nag-operasyon.

Padayon ang welga ng mga manggagawa ng Lepanto Mines


PILA ka obreros ang ginsakit sang gintuyo sang Benguet PNP nga bungkagon ang piket sang mga nagawelga nga unyonista sang Lepanto Consolidated Mining Company (LCMC) sa Mangkayan, Benguet sining Hunyo 20. Ang LCMC ang pinakadaku nga kumpanya sang pagmina sang bulawan sa pungsod.

Naagarekrut man ang kumpanya sang mga bag-ong mamumugon para ibulos sa mga nagwelga. Samtang, padayon nga paralisado ng welga ang operasyon sang kumpanya. Ginpamilit sang mga mamumugon paagi sa ila unyon, ang Lepanto Employees Union (LEU), and indi magnubo sa P29 nga dugang nga sweldo sa una kag ikaduha nga tuig kag

P33 sa ikatlo nga tuig, pila pa ka regular nga benepisyo kag ang pagpabalik sa trabaho sang mga ginpahalín nga lider sang unyon.

Indi mabaton sang mga mamumugon ang tuman kanubo nga tanyag sang kumpanya nga P21 kag bisan ang ginatanyag sang Department of Labor and Employment (DOLE) nga P25 dugang sa una nga tuig lamang.

Determinado ang mga mamumugon nga ipakig-away ang ila mga interes kag padayunon ang ila welga tubtub indi nila mangkon ang ginapangayo nga matarung nga sweldo, mga benepisyo, kag ilabi na ang pagpabalik sa mga ginpahalín nga lider nila.

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVI No. 12
Hunyo 21, 2005
www.philippinerevolution.org


Editoryal

Hingalitan ang pangpulitikang krisis sang rehimeng US-Arroyo

Ang pagkabuyagyag sang mga audio tape nga nagatumod sa direktang pagka-imbolbar ni Gloria Arroyo kag pagkumplot niya sa mga upisyal sang COMELEC sa pagdaya sa eleksyon 2004 labi nga nagpasingki sa krisis pangpulitika sang rehimeng US-Arroyo. Ini na ang pinakadaku sa sunod-sunod nga mga iskandalo nga kahimuan sang rehimen. Labaw ini nga nakapa-akig sa pumuluyo kag nagatay-og sang rehimen. Naglupok ini halos kadungan sang pagkabuyagyag sang pamilyang Arroyo sa jueteng.

Yara sa bibi sang pagkapukan ang rehimeng Arroyo. Labi na nga nahamulag ini sa pumuluyo kag labi pa ini nga nahamulag sa mga tuyo sini nga likawan ang mga iskandalo. Nagalapad nga nagalapad ang kubay sang pumuluyo nga nagapanindugan, determinado kag nagahulag agud ipamilit ang pagpahalin sa garuk, papet kag pasistang rehimeng Arroyo.

Ang pagkabuyagyag sang pagdinaya ni Arroyo sa eleksyon kag pagka-imbolbar sang iya pamilya sa jueteng amo ang nagagatang sa kaakig sang pumuluyo.



Mga tampok sa isyu nga ini...

Iskandalo sa jueteng kag ang 'Gloria-gate'
PAHINA 4

Protestang anti-Arroyo, nagalapad
PAHINA 5

Palparan, masupog nga pasista
PAHINA 8

Mga instruksyon sa pag-imprenta

1. Ang pahina 13, nga eksakto nga kopya sang pahina 1 maluwas sa mas malus-aw ang *masthead* ukon *logo* amo ang para sa mga nagagamit sang *mimeo machine* ukon naga-imprenta paagi sa *v-type*. Gindisenyo ini para indi madali masamad sang istensil.
2. Pag-imprenta sa istensil:
 - a) Sa *print dialog*, i-check ang **Print as image**
 - b) Kuhaon ang *check* sa **Shrink oversized pages to paper size**
 - k) I-click ang **Properties**
 - d) I-click ang **Advanced**
 - e) Siguruhon naka-set sa 100% ang **Scaling**
 - g) Padayunon ang *pag-print*
3. Ginabuyok ang mga kaupod nga ipaabot sa patnugutan sang *AB* ang anuman nga problema kaangot sa pag-imprenta paagi sang *v-type*. Magpadala sang *e-mail* sa *ang-bayan@yahoo.com*.